

Meeca inquenquetsatempi maestro.
Inquenquetsatacoteri otsiti.
Irijivatempiro pineane. Impoiji
inquenquetsatempiro irineane Viracocha.

Ishiteatanaca otsiti otsapijaqui.
Yatsicanaqueri ivatsa poshiniri
ivantequi.

Yamenaquero nija, yampaataka nijaqui,
irisati amenajatsa.

Ijitiri itsipa otsiti, coatsiri
iraiteri ivatsatsite.

Irantsicavaquerime, jaanc.

Iparianaque ojaqui ivatsatsite
yaavetanacari.

¿Jaoca iqueniri otsiti?

¿Paita yatsicanaqueri?

¿Paita ineakeri nijaqui?

¿Paita ijitiri?

¿Jaoca incanterimeri?

¿Jaoca icantaqueriri ivatsatsite?

Icantiri Viracocha maaroni aneatsiri:

"Reino animal".

Icantiro maaroni shiocayetatsiri:

"Reino vegetal".

Icantiro maaroni mapi, quipatsi, nija:

"Reino Mineral".

Irotaque maaroni cari shiocatsi cari
aneatsi.

Ainiro icanti: mava Reino. Otsoteaquero
maaroni timajeitatsiri quipatsiqui.

¿Jaoca ipajitari virantsi--yora
icantacoyeetiri Reino Animal?

¿Jaoca ipajiyetari poshiniri--yora
icantacoyeetiri Reino Animal?

¿Jaoca ipajiyetari vanquiyetatsiri--yora
icantacoyeetiri Reino Animal?

¿Jaoca ipajiyetari maranquepee--yora
icantacoyeetiri Reino Animal?

¿Jaoca ipajiyetari shimapee--yora
icantacoyeetiri Reino Animal?

Asavicajeitaque arori Americaqui.
Irotaque Perú Americaquiniri. America
irotaque onantari oshequi nampitsipee
quipatsiqui acaqueroca. Otimi antaqueronta
pashini quipatsi pajitatsari Eoropa.
Perani te irioveiteani eoropasati otimi
America. Te irioveiteani itimi atiri aca.
Aisati americasati te irioveiteani
iriori otimi Eoropa.

Iro cantaintsa itimitani atiri aca
Peruqui. Anta otsapijaqui itimitani.
Jero otishiqui, jero inchatoshiquica
itimitani atiri.

Impoi ji ipocaque eoropasati--yora
Viracocha. Ipajita Pizarro. Itsipajeitari
iratirite. Iponeanaca españolaqui--onta
eoropaquiniri. Ipincatsatapaaque aca
Peruqui. Yoamejeitapairi savicatsiri
irishiajeitajeri iriori españasati.

Perani, tequerani impoqueni Pizarro,
cameetsa itaroacatasanojeitaque
savicasanotatsiri aca. Ivincatsarite,
iritaque Inca. Itsoteajeivetacari perusati
ipincatsariventajeitaqueri.

Jero oca iquenquetsatacotashitacari:

Yatiritanaque catsirincaiteri.

Ipaqueri itomi oro. Ipajita itomi Manco
Cápac. Icantaqueri:

--Pajiricaquero oro. Ariorica
osoquijanaaji pacoqui, pamenero. Jaocarica
onqueanaquero quipatsiqui, aitaque anta
pimpincatsaritapaaque.

Ari iponeanacaro incajarequi
pajitatsari Titicaca. Itsipatanacaro
ijina. Opajita iroori Mama Oquio.
Icantanaca, sero, sero. Anta toncaariqui
omapocanaca osoquijanaque oro.
Oqueanaquero quipatsiqui. Aitaque anta
ipeaquero inampi iriori,
impincatsaritanteari. Ipajitiro
inampi Cuzco.

Aitaque ocanta iquenquetsatashita.

Timatsi aquenapinitari mava:
nijaqui, quipatsiqui, jenoqui. Irotaque
aantarori avararo.

Aca aquenapinitaque eniqui.
Aquenapinitari avito. Avetsicaquero
inchato.

Ariorica antearojataque eni,
oqueni antearo pitotsi, motoro. Oqueni
motoro Ucayaliqui. Icantiro motoro bote.
Timatsi pashini antearotasanotatsiri.
Icantiro irointi buque jero aisati barco.
Timatsi omotorote shintsitasanotatsiri.
Oshequi aacotanaqueri atiri.
Aacotanaquero aisati cajoni antearo catsini.

Oquenapinitaque antearo buque
anta antearojaqui incajare--icanteetiro
"el mar".

Oshequi aacotanaqueri atiri,
vararontsi. Iponeanaca aparoni quipatsi.
Yoimonteaqueri intatiquero, pashiniqui
quipatsi. Paricoti.

Onashiyetaca quipatsi aca
Peruqui. Te omoncaratavacayempa.
Onashiyetaca, ocarataque mava:
otsapijaqui antearoja incajare,
otishi, inchatoshi.

Anta otsapijaqui incajare
icantiro la costa. Opirijaiteti.
Te ompariye incani. Ireetiro
nijateni poneatsari otishiqui.
Iquitsatashiyetiro nija otsin-
cacotantacarori panquirentsipee.

Ora otishi icantiro la sierra.
Ipajitiro los Andes. Ocatsincai-
teti anta. Irotaque inampisanori
yora Chori.

Oca inchatoshi icanteetiro
la montaña. Icantiro aisati
selva. Asavicajeitaque monta-
ñaqui. Asavicajeitaque selvaqui.